## hoi, lustig, miar Knechtlar



## hoi, lustig, miar Knechtlar

(Volkslied)

Hoi, lustig, miar Knechtlar, das Mahn is a Freud, Erst recht, wenn die Sensn a bissl no schneidt. Drum dengl nur, dengl nur, dengl nur zua, mei Bua, Dengl nur, dengl nur, dengl nur zua!

Ja, mir gehn frühmorgens, juhe, auf das Feld, Und mahnen so lang, bis die Mittagsglock schellt. Drum dengl nur, dengl nur, dengl nur zua, mei Bua, Dengl nur, dengl nur, dengl nur zua!

Drauf giahn ma zum Essn und setzn uns zun Tisch, Mir kriagn koani Bratln und a koani Fisch. Drum dengl nur, dengl nur, dengl nur zua, mei Bua, Dengl nur, dengl nur, dengl nur zua!

Lei Nudl und Knödl und Baunzn mit Kas Und Kraut und Fisöln und allerlei Gfras. Drum dengl nur, dengl nur, dengl nur zua, mei Bua, Dengl nur, dengl nur, dengl nur zua!

Ist 's Jahr amal Kirchtag, da schlägt 's ins guat ein, Da kriag ma a Bratl und trinkn an Wein. Drum dengl nur, dengl nur, dengl nur zua, mei Bua, Dengl nur, dengl nur, dengl nur zua!